

烈光治驗良案

資易記烈光

著甲戌三月廿八夜去錢五升又合洋

烈光  
法  
藥  
醫  
案

江苏工业学院图书馆  
章

譜  
盧  
定  
人  
劉  
師  
亮  
署

烈光治驗醫案全書一册  
取工本費大洋式角正  
外縣函購以郵票代價  
外加二分半



中華民國二十三年二月初版

著者 資陽 范烈光

住成都雙柵子街

題序者 左綽 張紹荃

德陽子醫士 鄒

署面者 諸廬主人 劉師亮

校印者 門生 賴明良 劉保玉

范雲衢 黃鳴琴  
谷咸安 朱尙父

總發行所 光醫院

成都雙柵子街

分發行所 亞光文化社

成都春熙路東段

# 治驗醫案自序

醫之有案猶師之有律師出以律則戰勝攻取無損兵挫銳之虞矣醫能立案則處方收效無草菅人命之患矣方今醫道發皇海內名醫如玉潛齋葉天士等類皆有醫案傳世各出所學以表心得洵堪啓發後學心志壽世無窮者也光幼承家法粗通文藝自科舉一停上進無由乃退而專志醫學積三十年精力雖不敢自謂憂憂獨造優入聖域然第能善辨陰陽亦得長一之足錄也病之陰陽辨明寒熱之真假立判故每臨證時胸中略有成竹不迷嚮往雖處極危難之證而著手多收成效數十年來所集余父兄醫案並光治驗醫案不下數百起因遭兵燹燬而無存何其不幸若是耶今也光蒞蓉三載復集余最近治驗醫案皆危難之證治法多出心裁應手而效者甚夥普通治驗者不必載茲提出奇特者數十案一帙自愧一得之愚不敢問世門下諸子力勸付印以備參攷固辭不獲姑聽之尙希高明指謬是幸時

中華民國二十二年夏五月下浣資陽范烈光識於蓉城醫院

# 治驗醫案弁言

名將不讀兵書名醫不拘方略昔人言醫之爲言意也又何醫案之有特是大醫創立方案必融會經脉醫藥種種理論筆之於書以示繩墨使後賢有舉一反三之用此惟浙中先達丹溪花溪近之吳中葉香崖徐迴溪亦皆佳妙山右傅青主則寓案於方名理醇醴允推上乘至喻嘉言寓意草陳修園南雅堂已失舉案之精神若近世馬徵君醫案等祇可謂之方不得名爲案蓋案爲創作而方爲依傍案爲獨見方爲雷同案可引伸方備考察近醫於醫案<sup>之</sup>界限太寬多失先民矩矱宜中醫學術之日淪也茲讀范君治驗醫案一卷辨症則識多獨到主方則多所發明殆以上醫醫國之手而訂活人之妙術者持此以拯東方病夫范君蓋隨新社會之醫藥進化而與之俱進化歟

民國第一甲戌孟陬飲蘇張紹荃識

# 烈光醫案序

挾秘以圖私利乃中國社會各種藝術之通病於醫道爲尤甚夫醫者濟世活人之要道也自軒岐內經闡其理扁鵲難經述其流千秋炳煥盡人而知垂教之遠用意之深何常有一毫私意存其間哉至後世醫失其官業此者半出於苟求衣食之小夫世固不以醫術爲重而醫術亦遂自退居於小道之一途以訛傳訛以僞傳僞而醫道晦矣雖間有由經驗以發見者咸神秘視之師不以傳之弟弟亦不能盡得之師此沈沉千古醫學所以尠進步也夫五運六氣之說本諸河洛徵之天而驗之人理固有歷歷不爽者雖西國人不能望其項背豈可挾私利以自滅其神術哉世之挾此意者所見誠小天地矣 烈光先生學識宏深心在濟世不與時醫同流合污方其醫之行也規定處方箋式標目八項於病人之年齡住址性別脉象症狀治法靡不詳細填註貧富一例其不畏繁難堅持到底之精神以荷人生命之重眞無愧良醫矣今先生蒞蓉數載處方存根不下數千冊於學識經驗大有成績可考愼嘗見而慕之時有讀亡曷若提出奇特驗方公諸社會先生素以打破秘術自利之陋習自命雖謙讓未遑亦慨然許之乃於診斷之餘選其最近驗方更加研究積案成帙持出

付印 慎學識 謝劣未敢云序不過聊述其意以表揚之俾時醫之如先生之存心醫道何難  
改進醫學何難發達此 慎所以景仰而欽拜者也謹序

時

中華民國二十二年夏六月德陽子醫士鄒 慎 識

照水園案

## 節錄余著之醫學問答一則

（問）醫學之欲明天道察地宜識時務其有要道乎

（答）明天道，察地宜，識時務，三者之要道，一言以括之，曰通權達變，然而權變之義，至深切矣，例如葉天士著書時，丁兵燹之餘，天道之寒度少而熱度多，故溫疫流行，其立說處方，專主清涼，是以發而中節，至同光之間，天道則寒多而熱少，每屆冬令，則必霜雪交加，故凡治病者，尚辛溫而略清涼，亦皆中肯，自光緒二十七年起，天道一變，至民國十三年，中元甲子止，其中二十餘年，未曾見冰雪，故溫病多而寒證少，治病者，專以清涼苦寒之劑而著名，近年冬日，霜雪又甚，天道復轉，寒度增加多矣，惜乎有等病家，死拘陳法，毫無酌見，第知養陰清熱，滋陰降火，爲治通病之定例，即遇寒中三陰，與元陽不足之證，亦莫敢服辛溫發散，與回陽收納之劑，往往誤人生命，洵可慨也，欲察地宜，須辨五方，例如陳修園案燕時，嘗治病處方，專尚辛溫，蓋燕地寒甚故也，即以小範圍而論，例如蓉城渝城之寒度熱度，兩相對照，亦大相逕庭矣，何則，蓉地近

西北而平坦，寒濕之氣，較之外州縣，超過十倍矣，渝城近東南而地高燥，其溫熱可知，以常道而論，蓉宜辛溫之劑，渝宜清涼之品，不待言矣，若夫天道反常，病情變幻，又當達變矣，古云，識時務者爲俊傑，蓋良醫與良相同功，豈可不識時務乎，例如唐宗海，在光緒季年，鑒於西法盛行中國，即採擇西醫之長，補救中醫之不足，乃著中西匯通醫書六種，風行海內，此善識時務之俊傑者也，又以近年社會而論，女權當道，諺所謂陰盛陽衰是也，天時亦與之應，故近來陰盛陽衰之病居多，此余近日之經驗也，且余嘗慨曰，不明天道，不足以言醫，不察地宜，亦不足以言醫，不識時務，更不足以言醫，三者之要道，其知之乎，

民國二十上年上巳節范烈光識於蓉城醫院

烈光治驗醫案目錄

時疫症案

(即虎烈拉)

濕氣化寒案

濕痰滯絡案

濕寒腰痛案

濕痰陽虛案

濕寒癰閉案

濕熱誤油案

濕熱喉阻案

濕熱便血案

濕寒便血案

濕寒痢疾案

濕氣下逼案

陽虛吐血案

陰虛吐血案

血淋症案

妊娠肺寒案(婦科)

產後肺寒案(婦科)

產後血暈案(婦科)

虛陽外越案(幼科)

陽虛柔痙案(幼科)

傷寒夾氣案

內傷失眠案

(附錄)

# ●時疫症案

〔病考〕吳兆祥年二十四歲現任二十八軍特科司令手槍大隊長住成都林家巷

〔病名〕時疫症

〔原因〕民國二十一年壬申歲相火司天風木在泉（內經云壬申歲上少陽相火中太角木運下厥陰風木）故上年相火歷盛暑而生濕病（又兼本年夏月淫雨纏綿）下年風木在泉被秋刑而爲霍亂故本年秋初省垣霍亂盛行排門挨戶傳染最速受之者只歷三四小時即死治不得法者十分難救二分三四十日內省城染時疫症死者幾千人矣俗呼之曰時疫症（又稱虎烈拉）此案病者於中秋日食厚味過多飯後遊行感受疫氣而發

〔症候〕胸腹刺痛不可忍上吐下瀉俱有蟲出手足麻木抽掣轉筋結烏核而堅（即疙瘩是也）心慌大汗週身冰冷寒顫肌肉緊縮脾約難堪眶黑唇黯目陷而昏花見燈光則散大而氣欲脫矣

(診斷)六脈沉伏不見症脈合參此即仲景所謂轉筋寒霍亂者是也其病總原於土濕木鬱木鬱則三焦運行之道路被陰邪阻隔也故脈伏而不見蓋人身之陽與天陽不相運化則經絡不通氣血不榮於四肢故肢冷麻木轉筋抽掣也脾司三焦肌肉脾陽將絕故約縮眼陷唇收肉緊脾土肝之養母也脾將絕則肝隨之而將絕矣肝主筋連胆木鬱則蟲生故抽筋結核嘔利清水而有蟲眶黑唇黯也中宮既阻則心腎隔絕心腎不交則肝魂散亂故眼見燈光而散大矣

(療法)外刺點痘穴以開洩三焦用酒精通燒以煖肌肉麻繩遍擦以活血脈使邪外出而不內攻先服靈芝藥水以護其心方宗長沙治寒霍亂法用附子理中湯溫中土而迴陽返本土溫則肝榮加吳萸溫肝以舒筋鬱金開厥陰而通血液建蒲檀香開竅而消瘟疫烏梅雷丸殺蟲以祛邪氣也

(處方)

小洋參三錢

貢白朮九錢

炮乾薑一兩

白附片一兩五錢

薑吳萸六錢

川鬱金五錢炒

建菖蒲三錢

紫檀香三錢

烏梅肉四錢

雷丸四錢

炙甘草三錢

陰陽水各半濃煎去滓溫服

（效果）一劑而瘳節其飲食調養數日而復元

（說明）當時疫流行期間被其傳染者病脉大都相同余以此方救活者約數百人往往接見市醫臨過此種症者究其所處之万有用苦寒者有用清涼者有用分利養陰者以故愈治愈危死亡接踵噫是誰之過歟

## ●濕氣化寒案

（病者）尹洪發室楊氏年四十三歲住成都塘坎街

（病名）濕氣化寒

（原因）家素寒浣衣度日夏月淫雨纏綿天道反寒於六月初旬濕氣應寒氣而發頭痛身痛惡寒前醫認為溫症投以清涼苦寒劑治之轉劇

（症候）頭身作痛更甚寒熱往來無已時舌苔白厚而滑不渴無汗咳嘔神昏耳聾足冷（診斷）兩寸兩尺脈沉實而弦數兩關脉洪數而弦緊此濕寒久羈於太陰致阻其足少陽

轉樞之機邪無出路勢將發癰此即經所謂濕久生熱者是也（切勿誤認爲實熱發癰）前醫如果早以麻黃加朮湯助脾轉樞法治之則一二劑可痊之症安得有如此之危象乎

（療法）遵長沙法以升麻葛根湯內服升提之外用升麻一兩粗末入火酒同炒熱以布巾包之於胸前背心兩手脉筋等處順熨之

（處方）綠升麻一錢

粉甘葛四錢

生杭芍三錢

生甘草一錢

蘆薈一錢

爲引水煎服

（效果）服藥三次微微有汗烏癰滿身熱退神清矣

（說明）凡傷寒溫病治不得法失於汗下邪不得出者始可用發癰一法慎勿誤會即以此症論之如前醫認症清晰先從微汗而解則不至於如此矣若是濕溫症又必忌汗慎之慎之

（復診）烏癰雖現而不思食猶幸神清脉象但浮而不弦緊喜其毒已盡出無餘矣即用化癰湯去石膏犀角加生地板藍根

〔次方〕廣角參三錢

細生地二錢

生知母三錢

牛蒡子三錢

淨銀花二錢

板藍根二錢 糯米一握

〔用河心水煎服〕

〔三診〕

一劑而瘧醫漸進飲食殊病人不慎誤食冰粉半鍾候爾口內腫痛滿口黑血泡破裂淡色血水不止病家不知因食冰粉逼陽於外之過反疑前藥之誤伊親友見之莫不駭然有勸其另延醫生者有謂爲火毒上攻宜服養陰清熱者有促其仍延余診者紛紛不一以故經兩晝夜而血水愈流但以瓦盂接之數十分鐘久即盈一盂病者面色慘白舌黑而滑不渴有奄奄待斃之勢伊夫無法仍來醫院懇余往視診其兩寸兩關脉沉遲無力兩尺脉浮空明是陰邪上乘虛陽外越所致若稍遲半日不治則陽脫而命絕矣乃急用封髓丹以鎮納陰邪潛陽丹以潛其虛陽加上桂以溫坎鬱金以開厥陰而散血白芍斂肝陰而止血牛膝導虛熱下行而歸根此治本之要法也

〔三方〕

鹽黃柏一兩

西砂仁七錢

黃附片五錢

敗龜板二錢

上安桂三錢

川鬱金四錢

生白芍三錢

川牛膝五錢

炙甘草三錢

水煎溫服

〔效果〕一劑而血水減少二劑血水全止惟口流清涎三劑血泡全消清涎亦止飲

〔三式〕食增加漸次調養而愈

# ●濕痰滯絡案

〔病者〕范雲慶年三十二歲鞋業住成都大牆後街

〔病名〕濕痰滯絡

〔原因〕體素豐未娶性嗜酒於十月三十夜醉後突發次晨延余診視

〔症候〕四肢不能轉動週身疼痛臥床不起咳嗽咯痰不利右脅着痛呼吸更甚舌苔黃滑

不渴

〔診斷〕足太陰脉沉實陽明脉洪數足厥陰脉弦緊手太陰脉浮滑餘脉沉細此濕痰阻滯

於經絡以致肺燥不能分潤於四肢也蓋因酒性剛悍胃先受之故陽明脉洪數酒

更助濕濕熱欲達於絡而經絡為宿痰所阻故厥陰脉弦緊四肢不舉疼痛不能轉

側也胃受病即橫傳於脾脾之濕熱上薰於肺則水氣泛溢而為痰故太陰脉浮滑